



Saksframlegg

Sakshandsamar:	Kultur og mangfald			Linda Judith Svidal Nordås	
Avgjerslemynde:		Arkivnr.:	22/838	Klassering:	

Oppdatert informasjon: Auka busetting av flyktningar

Rådmannen sitt framlegg til vedtak:

Heradsstyret tek informasjonen til vitande, og ber om oppdatering på arbeidet i september og novembermøtet.

Saksopplysningar:

I Heradsstyremøtet 6. april vart rådmannen bede om å komme tilbake til Heradsstyret med justert driftsbudsjett for auka busetting av flyktningar i 2022. I maimøtet vart Heradsstyret orientert om prosjektplan, og at det vil kome meir nøyaktig driftsbudsjett i junimøtet.

Bakgrunn

Osterøy kommune er bede om å busette 65 flyktningar i 2022. Osterøy kommune har sidan vedtaket vart fatta, jobba med å auke kapasiteten vår på fagområdet. Som Heradsstyret vart orientert om i mai, arbeidar ein tverrfagleg med dette.

Å busette flyktningar er lite føreseieleg. Dette fordi:

- Vi veit ikkje når fordelingane kjem (det vil sei når vi skal busette)
- Vi veit ikkje kva alder eller bustadbehov dei vi skal busette har
- Vi veit ikkje om vi treng bustader til familiar på 6 eller einslege

Utfordringa for administrasjonen blir difor å heile tida tilpasse innsatsen til dei faktiske forhold, og sørgje for at vi har personale med riktig kompetanse tilsett på riktig stad til riktig tid. Per i dag ser det eksempelvis ut som at det blir færre barn i barnehage- og skulealder enn dei første prognosane tilsa. Dette betyr at barnehagar og skular må tilpasse sine innkjøp og tilsettingar i tråd med dette, samtidig som at ein gjennom tett dialog må ha beredskapsplanar for å auke etter behov. Dette gjeld alle tenester som er «kanskje» omfatta, som Barne- og familieteamet, skular, barnehagar, og behovsprøvde helsetenester. Ein må difor vente bruk av midlertidige stillingar ei tid framover, i alle fall til 31.12.22 når ein ser korleis prognosane for busetting i 2023 ser ut.

Basert på dette, foreslår rådmannen at Heradsstyret får ein orientering i septembermøtet og i novembermøtet med status i prosjektarbeidet.

Rapportering pr 23.05:

Osterøy kommunar har busett 16 personar pr 230522. Vi har takka ja til å busette ytterlegare 12 personar i starten av juni. Vi vil ha takka ja til fleire innan møtet i Heradsstyret 23. juni. Størsteparten av disse er ukrainarar.

Dei siste budsjettframskrivingane viser eit mindreforbruk på rundt 3 500 000 kroner, gjeve at vi busett 65 flyktningar. Disse prognosane er usikre både på utgiftssida og på inntektssida.

Det er lyst ut stilling som ungdoms- og idrettskonsulent. Oppretting av utstyrssentral er ein del av denne stillinga. Denne ventar vi difor å opne ut på hausten.

Skule har laga rammene for Introduksjonsklasse i grunnskule. Tilbodet skal vere i Lonevåg. Kor omfattande tilbodet blir, må avgjerast rundt 10. juni basert på venta elevtal.

Haus barnehage har mogelegheit til å raskt opne fleire barnehageplassar ved behov. I Fotlandsvåg har ein mogelegheit til å auke kapasiteten. Dette medfører at ein prioriterer å busette familiar med barn i barnehagealder i Haus. Her kan òg skulebarn bu.

Psykisk helse har tilsett midlertidig i 50 % stilling. Saman med OIL, har dei utvikla gode planer og rutine for korleis dei kan kartlegge psykisk helse og behov for eventuelt behandling.

NAV har tilsett ein jobbspesialist som har som fokus å få nybusette fort over i arbeid (praksis eller lønna arbeid).

OIL har lyst ut stilling som norsklærer. Her er òg behov for prosjektleiarar i busettingsfasen, og vi ventar å måtte tilsette ferievikarar gjennom sommaren.

Helsestasjonen arbeidar med å bemanne opp. Det er bemanna opp noko, men ikkje tilstrekkeleg i forhold til behov. Dei drøftar med legetenestene korleis arbeidet skal gjennomførast.

Utfordringar vi har, handlar i stor grad om mangel på personnummer. Dette er eit nasjonalt problem som skaper store mengder ekstraarbeid og manuelle operasjonar som er særskild kostnadskrevjande. Vi får ikkje betalt ut støtte til livsopphold på andre måtar enn via verdikort som vi kan sette maks 5000 inn på per veke. Osterøy kommune må difor betale alle rekningar for familiane via sitt ordinære rekningssystem (det vil sei husleige, straum, internett og så bortetter). I tillegg vert personane fordelt til kommunane utan å vere kartlagt av IMDI. Dette medfører ein god del ekstraarbeid i kommunane.

Vurdering

Rammene for busettingsarbeidet er ikkje føreseielege. Rådmannen vurderer difor at det er meir hensiktsmessig å rapportere på følgjande faktorar i september- og novembermøtene:

- Status busettingstal
- Status økonomi
- Status i lys av resultatmål

Bakgrunnen er at dette arbeidet er så lite føreseieleg at rammene vi baserer eit revidert driftsbudsjett på i mai mest truleg er annleis i juni.

Konklusjon

Heradsstyret tek saken til vitande.

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost